

李志

晉 常璩著 蜀郡劉宇曜閱

李特字玄休畧陽臨渭人也祖世本巴西宕渠賓民  
種黨勁勇俗好鬼巫漢末張魯居漢中以鬼道教百  
姓賓人敬信值天下大亂自巴西之宕渠移入漢中  
魏武定漢中曾祖父虎與杜朴胡約楊車李黑等移  
于畧陽北土復號曰巴人特父慕爲東羌獵將特兄  
弟五人長兄輔字玄政次特特弟庠字玄序庠弟流  
字玄通流弟驥字玄龍皆銳驍有武幹特長子蕩字

仲平好學有容觀少子雄字仲雋初特妻羅氏夢雙  
虹自門昇天一虹中斷羅曰吾二兒若有先亾在者  
必大貴雄少時辛冉相當貴有劉化者道術士也言  
關隴民皆當南移李氏子中惟仲雋天姿奇異終爲  
人主鄉里人多善之與叔父庠並以烈氣聞人多歸  
之旣克成都衆皆饑餓驥乃將民入鄴王城食穀芋  
雄遣信奉迎范賢欲推戴之賢不許更勸雄自立永  
興元年冬十月楊驤楊珪共勸雄稱王雄遂稱成都  
王追尊曾祖庸曰巴郡桓公祖慕隴西王父特景王

母曰太后追謚世父輔齊烈王仲父庠梁武王仲父  
流秦文王兄蕩廣漢壯文公以叔父驤爲太傅庶兄  
始爲太保外兄李國爲太宰國弟離爲太尉從弟雲  
爲司徒璜爲司空閻式爲尚書令驤爲僕射發爲侍  
中珪爲尚書洪爲益州刺史徐興鎮南王達軍師具  
置百官下敕建元太武迎范賢爲丞相從弟置流子  
也以不陪列諡之賢旣至尊爲天地太師封西山侯  
復其部曲軍征不預租稅皆入賢家賢名長生一名  
延久又名九重一曰支字元涪陵丹興人也光熙元

年雄稱皇帝改元晏平永嘉三年羅兼旬琦等殺李  
離於梓潼時闔式去雄依離并見殺驤攻不克時李  
雲李瓚皆戰歿明年文碩殺李國以巴西梓潼為晉  
平冠將軍李鳳在晉壽梁州先以為雄所破不守而  
譙登在涪平西參軍向奮屯漢安之宜廂張羅屯平  
無後漢書越雋郡有會無城逼雄雄將張寶弟全在旬琦中雄遣  
寶反為奸許以代離寶素凶勇先殺人而後奔梓潼  
密結心腹會羅尚遣使慰勞琦琦等出送其使寶從  
後閉城門琦等奔巴西雄得梓潼拜寶為太尉雄自

攻奮奮走遣驤攻登登初將驤子壽欲以誘驤被攻  
急救援不至還驤壽五年春驤獲登遣李始督李鳳  
攻巴西殺文碩是歲雄姨弟任小受張羅募手刃雄  
頭雄幾歿改元玉衡是後扶風鄧芝楊虎等各率流  
民前後數千家入蜀以鳳為征北梁州任回鎮南南  
夷寧州李恭征東南蠻荊州皆大將軍校尉刺史雄  
驤勤卹百姓於內鳳回恭招流民於外稱有功氏符  
成隗文既降復叛手傷雄母及其來也咸釋其罪厚  
加待納皆以為將天水陳安舉隴右來降武都氏王

楊茂搜奉貢稱臣杜燮自湘州使使求援晉涼州刺史張駿遣信交好漢嘉夷王冲遣子質頃之朱提審炤率民歸降建寧爨量蒙焱委誠其餘附者日月而至雄乃虛已受人寬和政後遠至邇安年豐穀登乃興文教立學官其賦民男丁一歲穀三斛女丁一斛五斗疾病半之戶調絹不過數丈綿不過數兩事少役稀民多富實至乃閭門不閉路不拾遺獄無滯囚刑不濫及但爲國威儀無則官無秩祿職署委積班序無別君子小人服章不殊貨賄公行懲勸不明行

軍無號令用兵無部伍其戰勝不相讓敗不相救攻城破邑動以虜獲爲先故綱紀莫稱李鳳在北數有戰降之功時蕩子雉屯晉壽害其功大興元年鳳以巴西叛驤討之久住梓潼不敢進雄自至涪驤遂斬鳳以壽代鳳以知州征事二年驤伐越雋又分伐朱提二三年獲太守西夷校尉李釗夏進伐寧州大敗於螳螂還初氏王楊茂搜子難敵堅頭爲劉曜所破奔晉壽晉壽守將李稚蕩第二子也受其賂遺不送成都曜旣引還稚遣難敵兄弟還武都遂卽叛稚稚

李志 四  
悔失計連白雄求伐氏雄許之羣臣多諫雄不從遣  
稚兄瑒以侍中中領軍統稚攻難敵由白水道壽遣  
田稚弟珩由陰平入二道討氏難敵等先拒壽珩珩  
壽不進而瑒稚徑至下辨以深入無繼大爲氏所破  
稚瑒皆歿歿者千餘人雄深自咎責以謝百姓瑒蕩  
之元子有名望志尚雄欲傳以後嗣甚痛惜之雄妻  
任無子養瑒弟班爲子雄自有庶子十五人羣臣上  
立嗣雄曰孫仲謀割有江東伯符基兆子止矣爵國  
志恥之宣公舍子立弟君子以爲知人吾將彌縫國

志之恥以繼宣公之美驥與司徒王達諫以爲不可  
雄不從永昌元年冬立班爲太子驥泣曰亂始於是  
矣泰寧元年越嵩斯叟反攻圍任回及太守李謙遣  
其征南費黑敵之咸和元年夏斯叟破二年謙移郡  
民於蜀三年冬驥歿追贈相國謚曰漢獻王壽以喪  
還拜珩征北梁州代壽以班行撫軍將軍修晉壽軍  
屯五年拜壽都督中外諸軍大將軍中護軍西夷校  
尉錄尚書總統如驥冬壽率征南費黑征東任邵伐  
巴東至建平監軍母丘奧退保宜都六年春壽還遣

任邵屯巴雄以子越爲車騎住廣漢炆壽伐陰平冬  
城涪縣七年炆壽南征寧州以費黑爲司馬與邵攀  
等爲前軍由南廣入又別遣任回子調由越嶲冬十  
月壽黑至朱提朱提太守董炳固城寧州刺史尹奉  
遣建寧太守霍彪大姓豐深等助炳時壽已圍城欲  
逆拒之黑曰料城中食少霍彪等雖至齎糧不多宜  
令人入城共消其穀猶嫌其少何緣拒之彪等皆入  
城城久不下壽欲急攻之黑諫曰南道儉俗好及亂  
宜必待其詐勇已困但當日月制之全軍取勝以求

百余溷牢之物何足汲汲也壽必欲戰果不利乃悉  
以軍事任黑八年春正月炳彪等出降威震十三郡  
三月刺史尹奉舉州委質遷奉於蜀壽領寧州南夷  
初平威禁甚肅後轉凌掠民炆建寧州民毛衍羅屯  
等反殺太守邵攀特柯太守謝恕舉郡爲晉壽破之  
九年春分寧州置交州以霍彪爲寧州建寧豐深爲  
交州刺史封壽建寧王張駿使參軍傅穎治中張淳  
遺雄書勸去尊號稱藩於晉雄引見謂曰吾過爲士  
大夫所推然本無心於帝王也貴州將令行河沙常

所希冀進思其爲晉室元功之臣退思其爲守藩之將掃除氛埃以康帝宇而晉室陵遲德聲不振引頡東聖有年月矣會獲來貺情在閭室有何已已頴淳以爲然使聘相繼巴郡嘗告急云有東軍雄曰吾常慮石勒跋扈侵逼瑯琊以爲耿耿不圖乃能舉軍使人欣然雄之雅談多如此類三月壽還夏六月癸亥雄疾病卒時年六十一僞謚曰武帝廟稱太宗凡自立二十年冬十二月丙寅葬成都墓號安都陵也班字世文蕩第四子也少見養於雄年十六立爲太

子好學愛士每觀書傳謂其師友天水文夔隴西董融等曰吾見周景王太子晉魏太子丕吳太子孫登文章鑒識超然卓絕未嘗不有慙色何古人之難及乎進止周旋勤於咨問但性輕躁失在田獵甲子襲位珥來奔喪勸遣雄子越還江陽而欲令期代已知此事班以未葬不許遣珥還涪冬十月癸亥期越殺班於臨次并殺班仲兄領軍都弟珥奔晉期僞謚班曰戾太子壽追謚曰哀皇帝子幽顯爲期所殺班兄弟五人皆兵死四人無後珥在晉歷巴郡襄陽宜都

太守龍驤將軍永和三年從征西於山陽戰死也  
期字世運雄第四子也母冉賤雄妻任養爲子少攻  
學問有容觀雄時令諸子各募合部曲多者纔得數  
百人而期獨得千餘人爲安東將軍雄亾越自江陽  
來赴喪兄弟怏怏旣以班非雄所生又慮珩不利已  
與兄越密謀圖班太史令韓豹上言宮室有陰謀兵  
氣戒在親戚班不悟遂因夜哭越殺班期自立以越  
爲相國與壽并錄尚書事進壽大都督徙封漢王使  
討珩於涪封越建寧王以仲兄霸爲中領軍鎮南弟

爲鎮西西夷校尉汝山太守從兄始征東代越皆大  
將軍珩走卽拜壽梁州知北事咸熙元年春正月立  
妻閻氏爲后下赦改元玉恒焮以司隸景騫爲尚書  
令征南費黑爲司隸班舅羅演爲僕射舅羅演與漢  
王相天水上官澹謀襲期立班子幽謀泄殺澹并誅  
班母羅瑒子礮稚妻咎二年忌從子載多才藝託他  
事誅之而霸保皆暴病死於是大臣自疑骨肉不相  
親而期志益廣忽慢公卿政刑失錯四年夏四月壽  
自涪還襲期假以誅越騫爲言越請散財募士格戰

李志  
期謂壽不自薄不許既誅越騫初廢期爲邛都縣公  
五月乃殺期及誅李始等殺兄弟十餘人期歿時年  
二十四謚曰幽王五年徙其妻子於越騫勢又使人  
就越騫誅其子

壽字武考有幹局愛尚學義志度少殊於諸子雄奇  
之自代父爲將志在功名故東征南伐每有効事雄  
疾病侍疾左右左右侍臣造雄顧命寄託於壽期之  
殺班也李始初欲附壽圖共討期壽不敢始怒說期  
取壽憚李珣在北欲藉壽討之故許壽既受漢封北

伐珣告以去就利害假道故珣得由巴順水東下吳  
壽雖代珣鎮涪歲終當入朝覲常自危嫌輒造漢中  
守將張才急書告方外寇警咸康二年冬北入漢中  
破走司馬勲壽見期越兄弟十餘人年方壯大而手  
下有強兵懼不自全數聘命高士巴西龔壯壯雖不  
應恐見害不得已數見壽時岷山崩江水竭壽緣劉  
向之言而惡之每謀壯以自安之術壯之父及叔皆  
爲特所殺欲假手報讐未有其由因說立事何如舍  
小從大以危易安開國裂土長爲諸侯名高桓文勲

流百代矣壽從之陰與長史畧陽羅恒巴西解思明  
共謀據成都爲晉稱藩會養弟攸從成都病還歿道  
中乃佯言越藥殺之又詐造妹婿任調書言期越當  
廢壽以惑羣下羣下信之乃誓文武許賞城中資財  
得數千人南攻成都子勢爲開門內應遂獲期越誅  
其宗族十餘人兵入虜掠民家姦淫雄公主及李氏  
諸婦多所殘害數日廼定恒與思明及李奕王利等  
勸壽稱鎮西將軍益州牧成都王以壯爲長史告下  
又勸令送期於晉任調與司馬蔡興侍中李艷及張

列等勸壽自立壽亦生心遂背思明所陳之計稱漢  
皇帝尊父驥曰帝帝母魯氏曰太后下赦改元漢興  
以恒爲尚書令思明爲廣漢太守任調鎮北梁州知  
東羌校尉李奕鎮西西夷校尉更代諸郡及卿佐皆  
用宿人及已叅佐省交州以從子權爲鎮南南夷寧  
州於是成都諸李子弟無復秉兵馬形勢者雄時舊  
臣及六郡人皆斥廢也炆七月李奕從兄乾與大臣  
合謀欲廢壽壽懼使子廣與大臣盟要爲兄弟進李  
閔爲征東荊州移鎮巴郡八月天連陰雨禾稼傷損

百姓饑疫草莽臣龔壯上封事曰臣聞陰德必有陽報故于公理獄高門待封伏惟獻皇帝寬仁厚惠宥罪甚衆靈德洪洽誕鍾陛下陛下天性忠篤愛遺建節志齊周霍誠貫神明而志緒違理顛覆顧命管蔡既興讒諛滋蔓大義滅親撥亂濟危上指星辰昭告天地歎血盟衆舉國稱藩天應人悅白魚登舟霆震助威烈風順義神誠允暢日月光明而論者未喻權時定制淫雨汜濇垂向百日禾稼損傷加之饑疫百姓愁望或者天以監示陛下又前日之舉止以救禍

陛下至心本無大圖而今久不變天下之人誰復分明知陛下本心者哉且玄宮之讖難知而盟誓顧違一旦疆場有急內外騷動不可不深思長久之策永爲子孫之計也愚謂宜遵前盟誓結援吳會以親天子彼必崇重封國歷世雖降階一等永爲靈德宗廟相承福祉無窮君臣銘勲於上生民寧息於下通天下之高理弘信慎之美義垂拱南面歌詩典禮上與彭韋爭美下與齊晉抗德豈不休哉論者或言二州人附晉必榮六郡人事之不便昔豫州入蜀荆楚人

李志  
十一  
貴公孫述時流民康濟及漢征蜀殘民大半鍾鄧之  
役放兵大掠誰復別楚蜀者乎論者或不達安固之  
基惜其名位在昔諸侯自有卿相司徒司空宋魯皆  
然及漢藩王亦有丞相今義歸彼但當崇重豈當減  
削昔劉氏郡守令長方仕州郡者國亾主易故也今  
日義舉主榮臣賴寧可同日而論也論者又謂臣當  
爲法正陛下覆臣如天養臣如地恣臣所安至於名  
榮漢晉不處臣復何爲當侔法正論者或言晉家必  
責質任及徵兵伐胡何以應之案晉不煩尺兵 國

來附威卷四海廣地萬里何任之責胡之在北亦此  
之憂今平居有東北之虞縱令徵兵但授漢川猶差  
二門耳臣託附深重忘疾病之穢官感殊遇冀以微  
言少補明時常懼殞歿不寫愚心辜負恩顧謹進控  
愷伏願罪戮壽不悅然拘前言秘藏之九月僕射任  
顏雄妻弟也謀反誅并殺雄子約等五年春二月晉  
將伐巴郡獲李閔閔蒸子也初受許自牛鞞以東土  
斷與閔執政者以爲不可乃止復不益兵故覆沒閔  
弟豔以是怨故與朝右有隙是時壽疾病恒思明等

復議奉晉討尋巴郡破壽以為附晉晉當以兵威故不能自斷遂輟討三月拜李奕鎮東代閔夏建寧太守孟彥率州人縛寧州刺史霍彪於晉舉建寧為晉遣右將軍李位都討之時權在越雋焮又遣尚書廣漢李擴為御史入南中據祖毅晉故寧州刺史以向與南人有舊故遣之據從兄演自越雋上書勸壽歸正返本釋帝稱王壽怒殺之車騎將軍王韜為參軍右車騎將軍王韜為參軍九字前後文不相屬不知記何事也今仍舊本存此九字於後以存攷晉康帝建元元年壽卒勢立改元太和太史令韓皓

上言熒惑守心乃宗廟不修之譴勢乃更命祀成始祖太宗皆謂之漢勢之弟大將軍廣以勢無子求為太弟勢不許馬當解思明固請許之勢疑與廣有謀收當思明斬之廣自殺思明被收歎曰國之不亾以我數人在也今其殆矣思明有智畧敢諫諍馬當素得人心及其歿士民無不哀之冬李奕自晉壽舉兵及單騎突門門者射殺衆潰勢大赦境內改年嘉寧勢驕淫不卹國事中外離心蜀土無獠魯皓切西至南夷別族是始從山出自巴至捷為梓潼布滿山谷大為民患加

以饑饉境內蕭條三年春二月桓溫伐蜀軍至青衣  
勢大發兵遣督堅等將之督子感切姓也自山陽起合水諸

將欲設伏江南以待晉兵督堅不從引兵自江北駕

鸞碕渡向犍為碕渠羈切曲岸曰碕溫自將步卒直指成都督

堅至犍為乃知與溫異道還自沙頭津濟北北至溫已

軍於成都之十里陌堅衆自潰勢悉衆出戰于笮橋

笮音昨中書監王嘏散騎常侍常璩勸勢降勢乃夜開

東門走至葭萌使散騎常侍王幼送降又於溫勢至

建康封歸義侯 李氏自起事至亾六世四十七年

正僭號四十三年蜀中亦有怪異期時有狗豕交木

冬榮勢時涪陵民樂氏婦頭上生角長三寸凡三截

之又有民馬氏婦姪身兒脇下生其母無恙兒亦長

育有馬生駒一頭兩身相着六耳一牡一牝又有天

雨血於江南數畝許李漢家春米自臼中跳出遂斂

於箕中又跳出寫於篋中又跳出有猿居鳥巢至城

下地仍震又連生毛其天譴不能詳也

譔曰特流乘釁險害雄能推亾固存遭皇極不見遇

其時與期倡為禍階而壽勢終之詩所謂亂離瘼矣

亦本作爰正與詩合今  
討說至因并改此處以  
心之非是

奚其適歸者也長老傳譙周識曰廣漢城非有大賊  
曰流曰特攻難得歲在玄宮自相賊終如其記先識  
預覩何異古人乎歷觀前世偽僭之徒縱毒虔劉未  
有如茲每惟殷人丘墟之歎賈生過秦之論亡國破  
家其監不遠矣

張佳胤曰常璩華陽國志目錄及序志皆云述李  
特雄期壽勢志則先固有志也今諸本皆無之意  
者傳寫脫漏因循不錄遂失之爾今本諸通鑑所  
述參以載記所書續成勢志用補其闕以俟後之

博洽君子云又史載散騎常侍常璩實勸李勢降  
桓温璩必作志者因續記此云

案魏書崔鴻傳常璩所撰李雄父子據蜀時書尋訪不獲久思陳泰乞勅緣  
邊求采云云則元魏時已闕此志何如璩本有錄無書不補可也 又案  
其子于元元正光三年購訪始得足有此志

### 李志終

李志

華陽國志卷第十上

晉書

晉 常璩 著

明 張佳胤 校

先賢士女總讚

含和誕氣人倫資生必有賢彥為人經紀宣德達教  
博化篤俗故太上五德其次立功其次立言品物煥  
炳彝倫攸叙也益梁爰在前代則夏勳配天而彭祖  
體地及至周世韓服將命蔓子忠堅然顯者猶鮮豈  
國史簡闕亦將分以秦楚希預華同自漢興以來迄

乎魏晉多士克生髦俊蓋世愷元之時感于帝思於  
是璽書交馳於斜谷之南東帛交爰於梁益之鄉或  
迺龍飛紫閣允陟璿璣亦有盤桓利居經綸皓素其  
軌懷道術服膺六藝弓車之招旃旌之命徵名聘德  
忠臣孝子烈士賢女高劭足以振玄風貞淑可以方  
蘋蘩者奕世載美是以四方述作末世志士莫不仰  
高軌以咨詠憲洪猷而儀則擅名八區為世師表矣  
故耆舊之篇較義史漢而今志州部區別未可總而  
言之用敢撰約其善為之述讚因自註解甄其洪茂

字云未詳

尋事釋義略可以知其前言往行矣

逸民嚴遵君平

嚴平恬泊皓然沉冥

治中從事李弘仲元

仲元抑抑邦家儀形

給事黃門侍郎揚雄子雲

子雲玄遠煥乎弘聖

逸民林間公孺

林生清寂莫得而名

執政大中司空汎鄉侯何武君公

汎鄉忠貞社稷是經進賢為國稽攻典刑愛莫助之身殞朝傾

侍中楊州刺史張寬叔文

叔文播教變風為雅道洽化遷我寔西魯

中郎將司馬相如長卿

長卿彬彬文為世矩

諫議大夫褒子淵

王淵豔麗蔚若華圃

校書郎中楊終子山

子山翰藻遺篇有厚

左衛護軍陳立少遷

少遷猛毅垂勳三邦

益州太守王阜世公

世公試政祥瑞來同

侍中漢五更張霸伯饒謚文父

猗歟文父督發幼童德賻會稽道崇辟雍

國師太常趙典仲經

華陽國志 卷之十  
少府委遲作卿作師

僕射何英叔俊 高士楊由哀侯 何汶景由孫英

楊何研神貫與入徵

尚書令司隸校尉大司農任昉文始

司農明允國憲是維

中即將何霸翁君

翁君美秀牧後寤機

美陽令柳宗伯騫

伯騫推賢求善如饑

太尉司徒司空特進厨亭文侯趙戒志伯

文侯顛印極位台衡

太尉郾惠侯趙謙彦信

太尉頡頡志振顏綱

司徒趙温子柔

司徒繼踵儻倪權橫猶操道柄董李足讓

侍中長水校尉常洽茂尼

侍中授命分節亦章

從事楊竦子恭

蠻夷猾擾倡亂南疆子恭要傳醜穢于攘  
治中從事張充伯春 司空辟士李幾孟元

伯春孟元宦正時君

閬中令楊班仲桓 廣漢長羅衡仲伯

楊羅為小遺愛在民

廣漢太守陳湛小伯

小伯温恭預圖息終

孝廉禽堅孟由

孟由至孝遐葉怖風

節士仲昱 志士任末叔本 功曹史朱普伯禽

主簿李磬文寺

仲昱勉師叔本慕仁伯禽證將文寺代君炎光

中微巨述僭辭 王莽字巨君 述即公孫

太中大夫章明公孺 美陽令王皓子離 尚書

郎侯剛宣孟 尚書郎王嘉公卿

章王刎首侯剛哭漢公卿絕脰亦蹈節貫

博士羅衍伯紀

羅生美至思濟艱難述方迹非殘彼貞幹

大鴻臚何宗彥英

劉主割據資我英俊鴻臚淵通與道推運

捷為太守何祗君肅

君肅矯矯穎類倬群

輔漢將軍張裔君嗣

輔漢朗捷服侍之勤

太常杜瓊伯瑜

太常清慎密邃遠深

休休衆彥殊塗同臻金聲玉振蜀之球琳休休美也

衆彥言此四十三人也易曰殊塗同歸百行齊致貴於流光顯稱揚名垂世此四十三人者雖立行不同垂美如金玉之音器為世名寶以上士人

張霸夫人司馬敬司

敬司穆穆暢始玄終

王遵妻張叔紀霸女

叔紀婉婉十媛仰風

公乘會婦張氏

公乘張氏兩髦義崇

楊鳳珪妻助陳

助陳撫孩節篤分克

便敬賓婦常元常 殷仲孫妻常靡常

二常荒荒顏構再隆

趙侯夫人常紀常

紀常哀哀精感昭融

景奇妻貢羅 趙憲妻玳何

貢羅誓志玳何忘生

朱叔賢妻張昭儀 姚超二女姚妣饒

昭儀殉身二姚見靈峩峩淑媛表圖銘旌淑善媛姚

姚也言此十二女皆圖像列傳 以上士女

右蜀郡士女讚第一凡五十五人四十三人女十二人女

佳眉按常璩三州士女目錄巴郡士女范目以下

共七十八人當列蜀郡後為第二卷今按本志讚

傳並闕豈稱全典哉自宋呂大防李奎二刻已無

聞矣先民往則宜垂竹素強識之士不重有感耶

交州牧楊宣君緯

誦學冲邃沫泗是稀眉帝紹聖庶熙壽咨

永昌太守鄭純長伯

長伯撫遐聲暢中畿折虎命邦綽有餘徽

三老揚統仲通

三老泱泱實作父師

高氏王祐平仲

平仲涉道殆乎庶幾

侍中楊序仲桓

文父明洞探賾索微

隱士段翳元章

元章玄泊韜光匿耀

侍御史洛陽令王渙稚子

稚子奕奕古之畏愛

司隸校尉王堂敬伯

敬伯愷々樹德播惠

越雋太守馬顥叔宰

叔宰濟々以禮進退

將作大匠翟輔子超

大匠竒暢妙鑑玄察盡言世規祇以隕越

司隸校尉郭賀喬卿

司隸聰敏奮名後葉

光祿大夫侍中衛尉鐔顯子誦 廬江太守蔡弓

子騫

鐔蔡翮：交友惟賢

樂安相李尤伯仁 東觀即李勝茂通

兩李麗采文藻可觀

聘士王稚叔起 隱士馮信李誠

憲父懸車徵君肥遯

侍中董扶茂安 聘士任安定祖

董任循志束帛交交

蜀郡太守王高文表

文表泛博提攜士彥

洋柯太守劉寵世信

超類拔萃寔惟世信

辟士段恭節英

節英元烈仰訴鼎臣

江陽符長姜詩士遊

士遊孝淳感物悟神

鄮令王忱少林

少林陰德陽報是甄

野王令羊晷仲魚 治中從事朱倉雲卿

仲魚謙冲雲卿安負

高士折像伯式 義士杜貞孟宗

伯式玄照孟宗當仁味道好施清風邁倫讚仲魚以下

五官掾諒輔漢儒

漢儒請雨精感慶雲

綿竹主簿韓揆伯彥 壯童左喬雲 義士楊寬

叔仲

韓揆義烈喬雲勇震楊寬證將烈播友人

節士甯叔茂泰 義士張鉗子安

甯叔執仇張復師讎

烈士賈裒元集

賈為士死分伴虞朱

太醫丞校尉郭玉通直

郭玉通直蓋亦所脩

大司農秦宓子勅

爰迄劉氏司農含章爽朗翠粲觀國之光

別駕李朝永南 西曹掾李邵偉南 益州太守

王士義強 綿竹令右丞王甫國山

李王四子並作琳琅

少府太常鐔承公文

優游容與特進太常

忠烈從事王累

從事烈至諫君刎首

忠謀從事鄭度

鄭度進規忠謀莫受雖云天時抑由人咎

江陽太守彭羨永年

永年負才自喪世主

捷為太守李邈漢南

漢南哽 天奪其守

誥：彥造成哲或友昭德音芳垂名厥後總讚

也六人 以上士人

任安母姚氏

任母治內子成名賢

姜詩妻龐行

龐行養姑婦師之先

司馬雅妻姜義舊

依：義舊抗疏邦庭誠感世主徒女輟刑

廖伯妻殷紀配

紀配斷指以章厥貞

王輔妻彭非 便敬妻王和 馮李宰妻李進娥

彭王進娥殘體令誠

楊文妻李正流

正流自沉水潔冰清

表稚妻相烏 王上妻表福

相烏表福不義存生

汝敷妻某

汝氏世胄由婦謙柔思媚烈媛美稱惟休末二句總

讚十一人也 以上士女

右廣漢郡士女讚第三凡五十六人四十六人女十一人

閩內侯光祿大夫王延世長叔

王延河平篡禹之功

城門校尉五官中郎將董鈞文伯

文伯習禮繼武孫通

司空廷尉張皓叔明

張公執憲克智克聰極位青紫寔作司空

司隸校尉趙旂子鸞

子鸞司京桴鼓不鳴

尚書中郎司隸校尉楊渙孟文

孟文翹平顯有成

司隸校尉楊準伯邳 揚州刺史楊莽翁君

伯邳正直耀祖揚聲翁君將命廼播其名

合浦太守費貽奉君 徵士任永君業 公車令

杜撫叔和 上黨太守趙松君喬

奉君遜世任君開明和叔順終君喬密精英

四子利於居貞讚費貽以下

廣陵太守張剛文紀

皇漢弛綱官人失紀文紀蹇諤表明減否

復漢將軍朱遵孝仲

白虜狂僭亂離斯圯孝仲繫馬社稷是死

新都令趙敷

建侯弔梁效志知己

尚書郎隗相叔通

叔通敷孝石生江汜

永昌太守吳順叔和

吳生致養亦感靈祉

蜀郡太守閻內侯楊洪季休

劉后初載實多良才季休忠亮經事能治

五官中郎將五梁德山

德山耽學道以光時

諫議大夫費詩公舉

烈武作合度曠塗夷惜哉公舉師直凌遲

射聲校尉楊義文然

文然簡略不從詭隨

車騎將軍都亭侯張翼伯恭

車騎快：與國安危

猗：衆偉芳烈名垂方德繹勳捷之瓊瑰二十

一 以上士人

王博妻楊進

楊進穆：先姑是憲

楊文方妻陽姬

陽姬請父厥族蒙援克諧內愛訓及秀彥

相登妻周度

周度割體貞節是全

周紀妻曹敬姬

敬姬沉淵誠烈邈然

張惟妻程貞玦

才疑哉

貞玦玉操彌久彌刊

尹仲讓妻韓姜

韓姜自才後旌其寃

儀成妻謝姬

謝姬引決同穴齊定

盛道妻趙媛姜

媛姜匹婦勉夫濟子授命固固義踰國士

張貞妻黃帛按水經註作張貞

黃帛求喪沉身中流靈精相感攜夫共浮

烈哉諸媛節稱義遵

總讚九女

以上士女

右捷為郡士女讚第四凡三十人

二十九人

逸民鄭子真

鄭真岳峙確乎其清

聘士衛衡伯梁

衛梁泥盤玄湛淵亭

城陽中尉鄧先

鄧公方斷忠枉原清

博望侯張騫

博望致遠西南未庭

給事中張猛子游

子游師生謔巧所傾

逸民楊王孫

王孫養性矯葵厲生

司徒李邵孟節

司徒監使術暢思精屢登上司七政是經

太尉李固子堅

炎精不頽朱明不揚太尉謬任國投荒濯日

華陽國志 卷之十 嘉  
賜谷將及扶桑惡直醜正漢道遂喪

度遼將軍張亮則元修

元修敦重威惠寔亮

捷為太守趙宣子雅

子雅溫恭見察文方

廣漢太守趙瑤元珪 尚書趙琰雅珪

二珪琬琰三辰懸望

弘農太守陳綱仲卿

仲卿報友行義以理

司隸校尉李法伯度

伯度玄鏡榮辱屑已

京兆尹李燮德公

德公在林懸象垂啓既冲雲清荀張儀準

巴郡太守陳雅伯臺

伯臺處諫師言亢盡末命防萌妙覩玄揆

綿竹令閻憲孟度 奉車都尉李歷李子

孟度邵允李子英瑋

計曹史程苞元道 葭萌長祝龜元靈

計君經算元靈斐：

主簿段崇禮高 功曹程信伯義

禮高殉名伯義死節

四行齊致在茲六子讚閻憲以下

從事燕邠元侯 主簿趙嵩伯高 從事陳調元

化

元侯趙陳蓋亦烈士

王宗 原展 嚴寧 李容 姜濟 陳已 曹

廉 勾矩 劉旌以上九人無專讚傳附程信傳下

渙：龍宗振：麟趾文炳彬蔚漢之表軌總讚三十

五人也 以上士人

陳祇妻穆姜

穆姜温仁化繼為親

楊相妻泰瑛

泰瑛嚴明世範厥訓

杜泰姬

杜氏之教父母是遵

陳省妻楊禮珪

禮珪肅穆言存典韻

趙伯英妻李文姬

文姬嚴敬宗祀獲歆

曹寧妻陳順謙 張亮則妻陳惠謙

陳氏二謙或智或仁

趙嵩妻張禮脩

禮脩順姑息愛溫潤

趙子賤妻韓樹南

樹南悼夫輕死重信

邗：令姬如玉如金允矣淑媛齊德姜任總讚九人  
也 以上士女

右漢中郡士女讚第五凡四十四人三十五人

鎮遠將軍成義侯文齊子奇

鎮遠敷壯立勳南瀕

節士李業巨遊

巨遊玉辟高風金振

益州太守景毅文堅

文堅亟哉南面懷民

孝廉楊充盛國

盛國好學研頤聖真

布衣士景鸞漢伯

漢伯隸業諸生之純

功曹張壽伯僖 童人李餘

伯僖効忠李餘殘身

濟陰相寇祺宰朝 義士王晏叔博

寇王二子行勇以仁

方士李助翁君

李助多方以茲立稱

隱士李仁德賢

章武之興亦廸才倫德賢好古澹心藝文

諫議大夫杜微國輔

國輔皓然形動神沉

太子家令尹默思潛

思潛遊學休志素林

太子中庶子右中郎將李譔欽仲

欽仲朗博訓詁典墳

監軍將軍司馬李福孫德

孫德果銳作劉幹臣

衍：偉彥玉潤蘭芬劭名表器江漢之俊總讚十五

也 以上士人

王敬伯夫人文季姜

季姜雍穆化播二婦王氏世興實由賢母

虞顯妻杜季女

杜慈專：父不諒只

郭孟妻敬楊

敬楊雪讐壯踰烈女

惟茲三媛仁暢義理邦有此嬪以馳遐紀總讚三人

也 以上士女

右梓潼郡士女讚第六凡士女十八人十五人士女三人

蜀郡士女

嚴遵字君平成都人也雅性澹泊學業加妙專精大

易耽於老莊常卜筮於市假著龜以教與人子卜教

以孝與人弟卜教以悌與人臣卜教以忠於是風移

俗易上下慈和日閱得百錢則閉肆下簾授老莊著

指歸為道書之宗揚雄少師之稱其德杜陵李強為益州刺史謂雄曰吾真得君平矣雄曰君但可見不能屈也強以為不然至州脩禮交導見之強服其清高而不敢屈也歎曰揚子雲真知人也年九十卒雄稱之曰不慕夷即由矣不作苟見不治苟得久幽而不改其操雖隨和何以加諸

李弘字仲元成都人少讀五經不為章句處陋巷泮勵金石之志威儀容止邦家師之以德行為郡功曹一月而去子贇以見辱殺人太守曰賢者之子必不

殺人放之贇自以枉語家人弘遣亡命太守怒讓弘弘對曰贇為殺人之賊明府私弘枉法君子不誘而誅也石碣殺厚春秋譏之孔子稱父子相隱直在其中弘實遣贇太守無以詰也州命從事常以公正諫爭為志揚子雲稱之曰李仲元為人也不屈其志不累其身不夷不惠可否之間見其貌肅如也觀其行穆如也聞其言愀如也非正不言非正不行非正不聽吾先師之所畏

揚雄字子雲成都人也少負好道家無擔石之儲十

金之費晏如也好學不為章句初慕司馬相如綺麗  
之文多作詞賦車騎將軍王音成帝叔舅也召為門  
下史薦待詔上其泉羽獵賦遷侍郎給事黃門雄既  
升秘閣以為詞賦可尚則賈誼升堂相如入室武帝  
讀大人賦飄然有凌雲之志不足以諷諫乃較其  
業以經莫大於易故則而作太玄傳莫大於論語故  
作法言史莫善於蒼頡故作訓纂歲諫莫美於虞歲  
故作州箴賦莫弘於離騷故反屈原而廣之典莫正  
於爾雅故作方言初與劉歆王莽董賢同官並至三

公雄歷三帝猶不易官年七十一卒自劉向父子桓  
譚等深敬服之其玄源淵懿後世大儒張衡崔子玉  
仲宋子王子雍皆為注解吳郡陸公紀尤善於玄稱  
雄聖人雄子神童烏七歲預雄玄文九歲卒

林閭字公孺臨邛人也善古學古者天子有輜車之  
使漢興以來而劉向之徒但聞其官不詳其職惟閭  
與嚴君平知之曰此使考八方之風雅通九州之異  
同主海內之音韻使人主居高堂知天下風俗也楊  
雄聞而師之因此作方言閭隱遯世莫聞也

何武字君公郾人也初以對策甲科為郎歷楊州刺史司隸校尉京兆尹清河楚沛太守廷尉御史大夫成帝初具三公拜大司空封泛鄉侯為人忠厚公正推賢進士在楚致兩龔在沛厚兩唐臨司隸致茂陵何並居公位進辛慶忌皆世名賢臨州郡雖無赫赫之名及去民思之才雖不及丞相薛宣翟方進而正直過之哀帝即位以來博趙玄為公卿用事免官諫大夫鮑子都亟言訟之丞相王嘉亦以為慨帝復徵武為御史大夫徙前將軍時大司馬新都侯王莽

避帝外家丁傅氏遜位亦以列侯見徵哀帝詔博舉太常莽從武求舉武以莽奸人之雄不許哀帝崩王太皇太后莽姑也即日引莽入收大司馬董賢印綬詔舉大司馬丞相孔光等逼王氏皆舉莽武與左將軍公孫祿謀曰莽五父世朝權傾人主必危劉氏乃舉祿亦舉武太后不從用莽為大司馬莽諷有司劾奏皆免武就國後莽寢盛遂為宰衡安漢公欲圖篡漢憚武與其叔紅陽侯王立不從元始三年因呂寬吳章事檻車徵武自殺眾咸寃之莽欲厭眾心

謚武曰刺侯子况嗣平帝崩莽因居攝後僭王位  
 張寬字叔文成都人也蜀承秦後質文刻野太守文  
 翁遣寬詣博士東受七經還以教授於是蜀學比於  
 齊魯巴漢亦化之景帝嘉之命天下郡國皆立學  
 由翁唱其教蜀為之始也寬從武帝郊甘泉泰畤過  
 橋見一女子裸浴河中乳長七尺曰知我者帝後七  
 車適得寬車對曰天有星主祠祀不齊潔則作女令  
 見帝感寤以為揚州刺史復別蛇莽之妖世稱云七  
 車張作春秋章句十五萬言

司馬相如字長卿成都人也遊京師善屬文著子虛  
 賦而不自名武帝見而善之曰吾獨不與此人同世  
 楊得意對曰臣邑子司馬相如所作也召見相如相  
 如又作上林賦帝悅以為郎又上大人賦以風諫制  
 封禪書為漢辭宗官至中郎將世之作辭賦者自楊  
 雄之徒咸則之  
 王褒字子淵資中人也以高才文藻侍宣帝初為王  
 褒作樂職中和頌宣帝時又上甘泉洞簫賦帝善之  
 令宮人誦之為諫大夫卒

楊終字子山成都人也年十三已能作雷賦通屈原  
 七諫章後坐太守徙邊作孤憤詩明帝時與班固賈  
 逵並為校書郎刑太史公書為十餘萬言作生民詩  
 又上符瑞詩十五章制封禪書著外傳十二卷章句  
 十五萬言皆傳於世

陳立字少遷臨邛人也成帝時牂柯有亂將軍王鳳  
 薦立為太守克平禍亂徙守巴郡秩中二千石治行  
 尤異又徙天水太守為天下最天子賜黃金四十斤  
 入為左衛護軍

王阜字世公成都人也太守第五倫察舉孝廉為重  
 泉令有鸞鳥集于文學十餘日遷益州太守神馬出  
 滇河池甘露降白鳥見民懷之如父母

張霸字伯饒謚曰文父成都人也年數歲以知禮義  
 諸生孫林劉固段著等宗之移家其宇下啟母求就  
 師學母憐其稚對曰饒能漢傳云我故字伯饒也為

會稽太守撥亂興兵立文學、徒以千數風教大行  
 道路但聞誦聲百姓歌詠之致達名士顧奉公孫松  
 畢海胡毋官萬虞先生演李根皆至大位在郡十年

以有道徵拜議郎遷侍中遂授霸五更尊禮於文學

年老卒葬河南梁縣

按後漢書霸子楷孫陵各有傳

趙典字仲經成都人也太尉戒孫也與潁川李膺等

並號八俊三為侍中自樂祿俸施貧方授國師未拜

病卒

按東漢本傳典為戒子謝承書典為戒叔子

何英字叔俊耶人也楊由字哀侯成都人也二子學

通經緯英著漢德春秋十五卷孫汶字景由亦深學

初徵上日食盜賊起有劾為謁者京師旱請雨即澍

遷捷為屬國著世務論三十篇卒楊由為太守廉范

文學范稱能治由言當有賊發項之廣柔羌反寇殺

長姚超鄉人冷豐齋酒候之值客未內由為知其多

少又言人當致菓其色赤黃果有送甘橘者大將軍

竇憲從太守索雲氣圖由諫莫與尋憲受誅其明如

此著書十篇而卒

任昉字文始成都人也初為葉令治奸賊七十餘人

遷梁相尚書令清身檢下大將軍梁翼憚之出為魏

郡徙平原歲出租稅百萬冀誅復入為尚書令司隸

校尉遷大司農卒弟愷徐州刺史亦有治名昉父循

字伯度為長沙太守得其父時為五官事在精通也何霸字翁君司空武兄也為郡戶曹刺史王尊將之官移諸郡不得遣迎太守唯霸曰宜往太守遣霸尊大怒霸對曰太守遣霸非修敬也以去京師久遲知朝廷起居耳尊遽下車持節對之因奇霸容止辟為別駕舉秀才為屬國中郎將弟顯為潁川太守兄弟五人皆有名

柳宗字伯騫成都人也初結九友共學號九子及為州郡右職務在進賢拔致求次方張叔遼王仲曾殷智孫等終至牧守州里為諺曰得黃金一筭不如為伯騫所議舉茂才為陽夏太守

文侯趙戒字志伯少府典祖也父定以遊俠稱戒順桓帝之世歷司徒太尉登特進屢居公輔免憂患于無妄之世告歸于蜀農家

趙謙字彥信戒孫也歷位御史初平元年為太尉時董卓秉政欲遷天子長安謙與司空荀爽固諫卓不聽以為車騎將軍奉大駕西幸封洛亭侯拜司隸校尉忤卓指免討白波賊有功封侯進司徒免拜尚書

今太僕三年薨謚曰忠侯

趙溫字子柔謙弟以侍中與同輩西遷封江南亭侯  
兄亡初平四年拜司空未暮進司徒當世榮之時車  
騎將軍李傕與董承張濟等爭權數遷移天子溫以  
書切責於傕天子聞為寒心尋曹公入徙天子都許  
政出諸侯禮待溫居公位十五年建安十三年薨  
卓李傕凶擅謙溫平之初文侯與李固胡廣議立清  
河王蒜而冀欲立蠡吾趙戒脇而從之使李固狂死  
君子以為卓傕之惡甚於梁冀謙摩卓之牙溫弄傕

之爪雖逼權勢以道陳訓賢其祖遠矣

常洽字茂尼江原人也自荊州刺史遷京兆尹侍中  
長水校尉以兵衛大駕西幸傕等作難常侍衛守左  
右為傕所殺

楊竦字子卷成都人也永初中越雋永昌夷反殘破  
郡縣衆十萬餘刺史張喬以竦勇猛授從事任平南  
中竦先以詔書告喻不服乃加誅殺虜三萬餘人獲  
生口千五百人財物四千萬降夷三十六種舉正奸  
濁長吏九十人黃綬六十人南中清平會被傷卒喬

舉州帛贈別畫東觀

張充字伯春李幾字孟元江原人也充為治中從事時刺史恃豪每見從事布席地坐已自安高床上充入閣不肯進刺史寤乃更禮從事刺史辟公孫特大姓捷為李威橋稚充曹闕時有水災倫受刺史指以漢中斗平不足表聞幾固爭之後刺史至與倫不平求郡短劾倫不言水災幾對以詔書上災異不得由州倫遷司空辟幾掾

楊班字仲桓成都人也羅衡字仲伯郫縣人也俱師

徵士何初山班為不韋茂陵令治化浹洽徙西城園中令歸時名宰衡為萬年令路不拾遺人家牛馬皆繫道邊曰屬羅公三府爭辟拜廣漢長二縣皆為立祠

陳湛字小伯成都人也歷數縣令民皆懷之州辟治中從事廣漢太守遣子詣州脩歡交使君欲納湛諫不可失羔羊義使君從之後有言州郡私交者考之無得乃明也

禽堅字孟由成都人也父信為縣史越雋為夷所得

張秋今字

傳賈歷十一種去時堅方姪六月生母更嫁堅壯乃  
 知父湮沒鬻力傭賃求碧珠以求父一至漢中三出  
 徼外周旋萬里經六年四月突瘴毒狼虎乃至夷中  
 得父父相見悲感夷徼哀之即將父歸迎母致養州  
 郡嘉其孝召功曹辟從事列上東觀太守王商追贈  
 孝廉令李苾為立碑銘迄今祠之

仲昱成都人也少受學於嚴季后季后為汶江尉書  
 呼仲昱仲昱許十月往會夷反斷道仲昱期於往經  
 渡六千幾死數年卒得至汶江為季后陳榮俱得免

難遠近歡之

任末字叔本繁人也與董奉德俱學京師奉德病死  
 推鹿車載其喪師止身病齋棺赴之道死遺令勅子  
 載喪至師門叙平生之志也

按本傳末子名造

朱普字伯禽廣都人也為郡功曹太守與刺史王冀  
 有隙枉見劾普詣新都獄掠笞連月臙肉腐臭同日  
 死以證太守無事勅其子曰我死載喪詣闕使天子  
 知我心事得循理普以烈聞

李磐字文奇嚴道人也为長章表主簿旄牛夷叛入

攻縣表倉卒走鋒刃交至磨傾身捍表謂虜曰乞殺我活我君虜乃殺之表得免太守嘉之圖像府庭義敦終始可稱人生於三事若一君父師也言人靡不有初鮮克有終普磨可謂能終始也自高祖至平帝十二世國嗣三絕平帝早崩安漢公王莽字巨君遂篡子天位稱新室皇帝而茂陵公孫述字子陽為莽導江卒正遂僭號於蜀

章明字公孺新繁人也王皓字子離江原人也明為太中大夫莽篡位歎曰不以身事二主遂自殺皓

為美陽令去莽歸蜀公孫僭號使使聘之皓乃自刎以頭付使者述慙怒誅其妻子

侯剛字宣孟新繁人也為郎見莽篡位佯狂負木斗守關號哭莽使人問之對曰漢祚無窮吾寧死之不忍事非主也莽追殺之

王嘉字公卿江原人為郎去莽還蜀公孫述先閉其妻子使人徵之嘉聞王皓死歎曰吾後之哉亦自殺述慙誅其妻子

羅衍字伯紀成都人也為述郎說述尚書解文卿鄭

文伯使諫述降漢為子孫福解鄭從之述怒閉二子於薄室六年二子守志不回遂幽死卒行察孝廉徵博士

何宗字彥英郫縣人也通經緯天官推步圖讖知劉備應漢九世之運讚立先主為大鴻臚方授公輔會卒

何祗字君肅宗族人也初捷為楊洪為太守李嚴功曹去郡數年以為蜀郡嚴在官祗為洪門下書佐去郡數年以為廣漢洪猶在官是以西土咸服諸葛亮

之能攬拔秀異也祗徙捷為太守卒

張裔字君嗣成都人也汝南文林稱其才鍾元常輩也為輔漢將軍丞相長史丞相北征居府統事足食足兵

杜瓊字伯瑜成都人也師事任安粗通經緯術藝為太常沈默慎密稱諸生之淳

敬司馬氏女五更張伯饒妻也霸前妻有三男一女敬司產一男撫教五子恩愛若一霸卒葬河南敬司與諸子還蜀疾病遺令告諸子曰舜葬蒼梧二妃不

從汝父在梁吾自在蜀亦各其至勿違吾勅也遂塋  
蜀子光起稟母教為聘士也

叔紀霸女孫也適廣漢王尊至有賢訓姑以禮生子  
商海內名士廣漢周幹古朴彭懿漢中祝龜為作頌  
曰小則為家之孝女長則為家之賢婦老則為子之  
慈親終溫且惠秉心塞淵宜謚曰化明惠母  
公乘會妻廣都張氏女也夫早亡無子姑及兄弟欲  
改嫁之張誓不許而言之不止乃斷髮割耳養會族  
子事終身

助陳臨邛陳氏女捷為楊鳳珪妻也鳳珪亡養遺生  
子守節兄弟必欲改嫁乃引刀割咽宗族駭之幾死  
遂全其義

元常靡常江原人元常廣都令常良女適廣漢便敬  
賓早亡元常無子養賓族子父母欲嫁乃祝刀誓志  
而死靡常仲山女適成都殷仲孫家遭疫氣死亡惟  
靡常在十八收塋諸喪養遺生子五美成家

紀常常侍常洽女趙侯夫人也父遇害在長安一兄  
皆先沒遣父門生瞿登張順迎喪時寇賊蜂起晝夜

悲哀順登得將喪無恙還時人皆以紀常精誠所感  
貢羅耶羅倩女景奇妻也奇早亡無子父愍其年壯  
以許同郡何詩貢羅白書誓父不還家父使詩乃白  
州、告縣逼遣之羅乃訴州刺史高而許之

玆何耶何氏女成都趙憲妻也憲早亡無子父母欲  
改嫁何恚憤自幽乃不食旬日而死郡縣為立石表  
昭儀新繁張氏女廣溪朱叔賢妻也賢為郡督郵建  
安十九年劉主圍劉璋於成都賢坐謀外降璋以昭  
儀配兵將見逼昭儀自殺三軍莫不哀歎

二姚見前堂  
廣柔長耶姚起二女姚姚饒未許嫁隨父在官值九  
種夷反殺起獲二女欲牧羊二女誓不辱乃以衣連  
腰自沉水中死見夢告兄慰曰姊妹之喪當以某日  
至澆下慰寤哀悞如夢日得喪郡縣圖像府廷

峨城淑媛表圖銘旌。淑善媛婉也言此十二女  
皆圖象列傳

過尚知列女